


Tu'un ido vete

Nakaan va'a do'o no te kunini chi
nkuitaq ni ja nakani ni iin tu'un ta ti yuku.
Iin nduu kandeé xikuii nduku' ti ja
kaxi ti te uun-ni nikixio ti nuu nakoo iin ido




te dii nituu ti chi kokon' xiti ti te vado
nayuú yu'u ti tatu'á ti kua'an te ki
nikuyatin ka ti te iyo vii nikaxi'o ti ido:

—Va'a tikuu no, ñani, daa-yu va'a
kuu' nchu'u jon ninan'i ña'a ni no te
nixen-iini ni ja akoo nidana ja ni'i ni nikúú
ko vitan te katu'a chi kaxi ña'a ni no chi iyo
kokon' xiti ni.

Te uun-ni dukun nixendava ido te
kidiyú'ú ti nda'vi nika'an ti nixa'an ti:

nindakoto-ndee ti te nakoo ni toto te
ninadiko ti te ka'án ti nixi*i* ti mee ti: "Te
nchixe de janidanda'vi ña'a ni tuku de, ko
vitan nó nanani'i ndo de te kuu de ndeyu
kaxi ndo, nakuenda ja dandá'ví ña'a de".

Te ninduku-ndee ti kua'an ti ko
aninani'i ka ti ido.





Nikuu uni nduu te atuu ido
nchukava. Nixavi xikuii di kokon' xiti ti
te nixeni-ini ti: "Tenó nadayaa ndo
yuu te ki'in ndo yuku ja kaxi ndo ko nó
nandi'i tu nuñu-ayivi te kuû ndo te
nda'vi ndo".

Ko anikundee ka ti te nidaya ti yuu
te nixinu ti niya'a ti nde xio yukan te

—Kundetu so, ñani, te do ninadaka
diki no an naikuu xi ja dukan ka'án no, ko
iin ja ka'án ni tenó nakaxi ña'a no ñate
anda'a no chi iyo kueyaa ni chi nikunduu
xetíñú ni dakuá'á ni landa te xian kuu' ja
akuyachi ni ja ki'in ni yuku ja kaxi ni.

Te yachi nixikan-tu'un xikuii chi atuu
na-yu ja ndia'á ti.

—Te ndê ndekú landa dakuá'á no ja
dukan doni xidí no xe'e ite xian.

Te deen nika'an ido:

—Te do kuaa no-a, teno atuteku no ja
ka'án ta landa ni ne'u ite i'a an naikuu xi.



Te niní xikuii nakuíntuu ti te nika'an ti:

Niní, niní xikuii nakuín ti ja dukan
ka'án ido te nikunda'vi anu ti te nika'an ti
nixa'an ti:

—Nda'vi no, ñani, ko nikuko'yo anu
ni ja dukan ka'án no te kua'án yuku ja kaxi
no chi vi'i ka ja kuû no doko te nakindoo ni
kitiin ni toto i'a te ndixi no te ki'in ni yuku
ja kaxi ni.

—Kánda'vi ni nuu no te nunuu-yu
ndixi ni te ki'in no.

Ninduku-ndee ido kua'an ti te nindoo
xikuii yitiín ti toto.

doko te yichí ni ndute te kánda'vi ni nuu no
tenó akundee-ini no ja kitin no xi iin ore ja
ki'ín ni yuku ja kaxi ni te ndixi ni te ki'ín
no chi nō nadayaa ni xi te ndi'i ndo kuû.

—Akanchixe kuii nchu'u ja ka'án so'o
chi iyo vete no te kaxi ña'a ni no vitan.

—Ko nō dukan xeni-íní no ja vete ni
ñate kuu ja adivi valii nchu'u kuû chi nō
nakanda ni ñate nanduva toto i'a te kuû
ndo ndiaa ndo, ko kutúní-ini ni ja atukuii
va'a no ko dukan kada xi kuû ndo te ja-iyó
tu'va ni ja kaxi ña'a no vitan.

—Nchixe tekú ja xetíñú landa no in xi
ko daa-yu va'a tee dakuá'á landa kuu' so.

Te niká'an ido:

—Iin ja kánda'vi ni nuu no tenó
akundee-ini no ja kundee no kuu landa ni
naki'in ni yuku ja kaxi ndo, te navii kixi ni
ko doja kuna'a no ja ore ki nikuna'i ta
landa, daa kuu' ja dakanda no xi in xi chi
iyo duxen xi te akuini xi ja ka'vi xi in xi te
navii ndixi ni ndi'i ja kaxi ndo.

Ko nika'an xikuii nixii ti ido:

—Ko doja kuna'a no tenó nadanda'vi
ñ'a'a no ja ndixi no ndi'i ja kaxi ndo te kini
no ka.

—Atukuii vete nchu'u chi iin tee
ka'án jandaa kuu' ni.



ve'e ti ninadiko ti. Kundia'a ja dukan
nikumbolo nuu ni ja nikani ña'a ti te
nacha'vi no xi vitan.


Te yachi nixeni-ini ido te nixa'an ti:

—Te daa-yu nda'vi no, ko xeni-íní ni
ja ñani ni kuu' tee dukan katiñu xi, chi
dukan kaa' nda'vi tê jan ja dandá'ví de ta
ñani ndo, ko atukuii ja xede' nchu'u chi
nikuu u'un nduu yitiín ni kuu toto i'a ja
vaxi nduva xi chi nó nanduva xi te ndi'i
nuñu-ayivi, ne. Ko doja akundee ka ni

—¡Jun, jun! Daa-yu va'a ja ninqani'i
ña'a ni no chi vitan kaxi ña'a ni.

¿Nakuenda kuu' ja dandá'ví ña'a no? Te
adivi landa nidandoo ndia'á no chi meni
chiruun kuu' ti te ki nikqani ni karuti jata

Te nikquka'nu-ini xikuii ja dukan
nikqa'an ido te nixa'an ti:
—Nó dukan ka'án no ñate nakundetu
ña'a ni no te ndixi no ndi'lí ja kaxi ndo, no.
Ninduku-ndee ido kua'an ti te nindoo
xikuii ndeé ti yoko yita'í ne'u ite, te xede'
ti na nikqa'an ido.





Ko niya'a uu, uni ore te nixav'i ti chi
atuu ido nchukava.

Te ninadiko ti te ni'i nikani ti jata ve'e
yoko te ninduvaan yoko ja niñani jata ve'e ti.

Te ninkoyo-ndodo ti jata xikuii te
nituni'nü xikuii ja dukan niya'a ti.

Te nixika ti kua'an ti kunanduku ti
ido. Ki ninani'i ti ido katúndee ti xian iin
xe'e toto te nika'an ti nixa'an ti:

